



МУНОСАБАТ

Аёлга эътибор — келажакка эътибор

Бутун мамлакатимиз миқёсида 8-март — Халқаро хотин-қизлар кунига катта хурсандчилик билан нишонланди. Азиз оналаримиз, дилбар аёлларимиз, меҳрибон опа-сингилларимизга яна бир бор чуқур ҳурмат-эътиром кўрсатилди.

Президентимизнинг Ўзбекистон хотин-қизларига йўлаган байрам табригида аёлларнинг оиладаги, жамият ҳаётидаги ўрни қанчалик бекиёслиги, мамлакатимизнинг бугунги тараққиётидаги улкан ҳиссаси алоҳида эътироф этилди.

Ушбу табрикда билдирилган самимий фикрлар хотин-қизлар кўнглини тоғдек кўтариб, янада фаол ва масъулиятли бўлишга ундагани уларнинг дил сўзларидан яққол билиниб турибди.

Феруза ЭШМАТОВА,
Олий Мажлис
Қонунчилик палатасидаги
Ўзбекистон ХДП
фракцияси аъзоси:



Президентимизнинг байрам табригида аёлларнинг жамиятдаги ўрнига юксак баҳо берилди. Опа-сингилларимизнинг меҳнат ва турмуш шароитларини янада яхшилаш, оила, оналик ва болаликни ҳимоя қилиш, фарзандларимиз, айниқса, қиз болаларнинг замонавий билим ва касб-ҳунар эгаллаши, ҳаётда муносиб ўрин олиши учун олиб борилаётган ишларни изчил давом эттириш лозимлиги таъкидланди.

Байрам табригида бугунги кунда юзлаб депутат аёлларимиз Олий Мажлис ва маҳаллий Кенгашларда халқ вакиллари бўлиб фаолият кўрсатаётгани, давлат ва жамият бошқарувида, сиёсий ва ижтимоий ҳаётимизда, фуқаролик институтлари ва нодавлат тузилмаларда қанчадан-қанча опа-сингилларимиз эл-юрт манфаати учун хизмат қилаётгани алоҳида эътироф этилди.

Ўзбекистон Халқ демократик партияси тизимидаги ташкилотларда ҳам кўплаб аёлларимиз партия гояларини кенг тарғиб этишда, Сайлов-олди дастурида белгиланган вазифаларни бажаришда фаол иштирок этишмоқда. Бунинг учун барча ҳуқуқий асослар яратиб берилган.

Конституциямизнинг 18-моддасида Ўзбекистон Республикаси фуқаролари жинси, миллати, диний

эътиқодидан қатъи назар, тенг ҳуқуқли экани, 46-моддасида эса эркак ва аёлларнинг тенг ҳуқуқлилиги, 117-моддасида сайлаш ва сайланиш ҳуқуқлари кафолатланган.

Шуни қайд этиш лозимки, Ўзбекистон хотин-қизларнинг ҳуқуқ ва эркинликларини ҳимоя қилишга қаратилган қатор халқаро шартнома ва конвенцияларни ратификация қилган.

Мамлакатимиз 1995 йили БМТнинг «Хотин-қизлар камситилишининг барча шаклларида барҳам бериш тўғрисида»ги Конвенциясига қўшилган. Умуман олганда, ватанимиз тараққиётининг ўтган йиллари давомида аёлларнинг ҳуқуқ ва манфаатларини ҳимоялашга қаратилган 80 га яқин қонун ҳужжатлари кучга кирди, халқаро ҳужжатлар ратификация қилинди.

Бунинг натижасида табрикда таъкидланганидек, аёлларимизнинг жамият ҳаётидаги ўрни, фаолияти ошиб бормоқда. Хусусан, таълим-тарбия, маданият ва илм-фан соҳаларида меҳнат қилаётган 73 фойзини, соғлиқни сақлаш тизимида 75 фойзини, ишлаб чиқариш тармоқларида 42 фойзини, қишлоқ ҳўжалигида эса 43 фойзини айнан аёллар ташкил этаётгани бунинг ёрқин исботидир.

► Давоми 2-бетда.

НАВРЎЗ ТАРАДДУДИ



Ободонлаштириш ойлиги бошланди

Ўзбекистон Республикаси Вазирлар Маҳкамасининг 2016 йил 4 мартдаги фармойишига мувофиқ, мамлакатимизда ободонлаштириш ва кўкаламзорлаштириш ойлиги бошланди.

Ойлик доирасида пойтахтимизнинг Абдулла Қодирий номидаги маданият ва истироҳат боғида экологик акция ўтказилди.

Ўзбекистон Табиатни муҳофаза қилиш давлат қўмитаси ташаббуси билан ташкил этилган тадбирда қўмита ходимлари, санъаткорлар, ёшлар, кенг жамоатчилик вакиллари иштирок этди. Акция доирасида ме-

вали ва манзарали дарахт кўчатлари экилди.

— Боғимиз йигирма икки гектарга яқин майдонни эгаллаган, — дейди боғ директори муовини Нодир Мухаммадзонов. — Кейинги йилларда реконструкция қилинган боғда ҳар бир вилоят учун алоҳида майдончалар ташкил этилди. Бу халқимизнинг ранг-баранг маданиятини намойиш этиш,

миллий кадриятларимизни ёш авлод онгига чуқур синдириш, экологик туризмни ривожлантиришда муҳим омил бўлмоқда. Ободонлаштириш ва кўкаламзорлаштириш ойлиги боғимизга янада чирой бағишламоқда.

Тошкент шаҳар табиатни муҳофаза қилиш қўмитасидан маълум қилишларича, пойтахтимиз маҳаллалари, хибонлари, кўчалар ва кўп қаватли уйлар атрофига март ойида уч юз минг тупдан кўпроқ дарахт, бутта ва гул кўчатлари экиш режалаштирилган.

Б.ХИДИРОВА,
ЎЗА мухбири.

ЎЗХДПнинг ЭНГ ФАОЛ АЁЛИ

Билимдон, зукко, ташаббускор

хотин-қизларимиз демократик ислохотларнинг фаол иштирокчисига айланмоқда

8-март — Халқаро хотин-қизлар кунига арафасида «Ўзбекистон Халқ демократик партиясининг энг фаол аёли» кўрик-танловининг якуний — республика босқичи ўтказилди. Мамлакатимизнинг барча ҳудудларидан аёллар қатнашган танлов иштирокчиларида ҳам, таълим-тарбия, маданият ва илм-фан соҳаларида меҳнат қилаётган 73 фойзини, соғлиқни сақлаш тизимида 75 фойзини, ишлаб чиқариш тармоқларида 42 фойзини, қишлоқ ҳўжалигида эса 43 фойзини айнан аёллар ташкил этаётгани бунинг ёрқин исботидир.

► Давоми 2-бетда.

ЎЗХДП ГУРУҲИ ТАШАББУСИ БИЛАН

СЕССИЯ ҚАРОРИ АСОСИДА

электорат манфаатларига хизмат қиладиган муҳим ижтимоий масала ҳал этилмоқда

2

ИЖТИМОЙ МУҲОФАЗА

Олтинсой тумани ҳокимлиги, прокуратураси, ЎЗХДП туман кенгаши, Бандликка кўмаклашиш маркази ташаббуси билан Ахборот технологиялари ва сервис касб-ҳунар коллежида меҳнат ярмаркаси ташкил қилинди.

Меҳнат ярмаркасида 24 киши иш билан таъминланди

Унда олий ўқув юртлари ва касб-ҳунар коллежлари битирувчилари, Қуролли Кучлар сафидан захирага бўшатиш йигитлари ҳамда хотин-қизлар иштирок этди. Ярмаркада 43 корхона ва ташкилот 250 дан ортиқ бўш иш ўринларини тақдим этди. Шу кунги 24 киши ўзига мос соҳаларга ишга жойлашиш бўйича тўғридан-тўғри йўланма олди.

— Бугун мен орзумга етдим, — дейди «Қоратепа» маҳалласида яшовчи Ўғилрой Равшанова. — 4-умумтаълим мактабига ишга қабул қилиндим. Бундан ниҳоятда хурсандман.

— Жорий йилда 3 минг 600 дан ортиқ кишини иш билан таъминлашимиз лозим, — дейди туман Бандликка кўмаклашиш маркази директори, халқ депутати вилоят Кенгашидаги ЎЗХДП гуруҳи аъзоси Баҳодир Тоғаев. — Шуни эътиборга олган ҳолда, ҳамкор ташкилотлар билан касб-ҳунар коллежларида турли учрашувлар ташкил қилинмоқда. Мақсадимиз барча битирувчиларни касбига мос соҳалар бўйича ишга жойлаштиришдир.

Абдумалик ҲАЙДАРОВ,
«Ўзбекистон овози» мухбири.

Ўзбекистон Республикаси Олий Мажлиси Сенати Кенгашининг мажлиси тўғрисида АХБОРОТ

2016 йил 9 март кунги Ўзбекистон Республикаси Олий Мажлиси Сенати Кенгашининг мажлиси бўлиб ўтди.

Кенгаш Ўзбекистон Республикаси Олий Мажлиси Сенатининг бешинчи ялпи мажлисини шу йилнинг 31 март кунги Тошкент шаҳрида чақириш тўғрисида қарор қабул қилди.

Сенатнинг ялпи мажлисида мамлакат ижтимоий-сиёсий ва социал-иқтисодий ҳаётининг барча соҳаларини изчил ислоҳ қилишга ҳамда либераллаштиришга қаратилган бир қатор қонунлар, шу жумладан, «Парламент назорати тўғрисида»ги, «Бухгалтерия ҳисоби тўғрисида»ги (янги таҳрири), айрим қонун ҳужжатларига ўзгартиш ва қўшимчалар киритиш тўғрисидаги қонунлар, мамлакатнинг айрим идоралари ва муассасалари ҳисоботлари, шунингдек, Сенатнинг прокуратура органлари фаолиятини назорат қилувчи комиссияси таркиби тўғрисида

МУНОСАБАТ

■ Аёлнинг фаоллиги, жамият олдидаги бош вазифаси оиладан бошланади.

Аёлга эътибор — келажакка эътибор



Дилором АБДУРАХИМОВА,
ЎзХДП Наманган вилоят кенгаши раиси,
халқ депутатлари вилоят Кенгашидаги партия гуруҳи раҳбари:



Ҳайтхон ОРТИҚБОЕВА,
Ўзбекистон ХДП Сирдарё вилоят кенгаши раиси
ўринбосари, «Эл-юрт ҳурмати» ордени соҳиби:



Севара УБАЙДУЛЛАЕВА,
Тошкент педиатрия тиббиёт институти илмий ходими, тиббиёт фанлари номзоди,
Ўзбекистон ХДП фаоли:

— Аёл — миллат келажак, ҳаёт давомчиси. Хотин-қизлар эъзозланган, қадрланган юртининг бугуни ва эртаси фаровон бўлади. Аёл меҳнати билан жамият тўлақонли ривожланади, тараққий этади. Шунинг учун мамлакатимизда хотин-қизларга алоҳида ғамхўрлик кўрсатилиб, уларнинг оғирини енгил қилишга катта эътибор қаратилмоқда.

Айтиш кераки, хотин-қизлар манфаатини ҳимоя қилиш масалалари Ўзбекистон Халқ демократик партиясининг Сайловолди дастурида ҳам ўз аксини топган. Айниқса, хотин-қизларни иш билан таъминлаш, касаначилик, оилавий тадбиркорликка кенг жалб этиш масалаларига алоҳида эътибор қаратилган. Уларнинг ижтимоий-сиёсий фаоллигини ошириш, оилалар мустаҳкамлигини таъминлашга қаратилган ишларимизда партияимизнинг ҳар бир ташкилоти, депутатлар фаол иштирок этиши талаб этилади.

Президентимиз табригида ўтган йили касб-хунар коллежларини битирган 230 мингдан кўпроқ қиз ишга жойлаштирилгани, тадбиркорлик соҳасида ўз ишини бошлаётган 6 мингдан ортиқ ёш қизларга 51 миллиард сўмдан зиёд кредитлар ажратилгани алоҳида таъкидланди. Мана шу факт ва рақамларнинг ўзи ҳам аёлларимизга кўрсатилаётган эътиборнинг ёрқин намунасидир.

Албатта, аёлларга иззат-икром кўрсатиш, уларни ардоқлаш, оғирини енгил қилиш ишларига давлатимиз тобора катта аҳамият бермоқда. Бирок аёллар манфаатини ҳимоя қилишни, коллеж битирувчилари бандлигини таъминлашни ўз олдида мақсад қилган партияимиз бу масала ечимида янада фаолроқ бўлиши зарур. Шу боис биз табрикда билдирилган кўп фикрлардан ўзимизга тегишли хулосалар чиқариб олишимиз керак бўлади.

◀ Давоми. Бошланғич 1-бетда.

— Аёлнинг фаоллиги, жамият олдидаги бош вазифаси оиладан бошланади, деб ўйлайман. Ватанимиз тараққиётига ўз ҳиссасини қўшмоқчи бўлган аёл, энг аввало, баркамол фарзандларни тарбия қилади. Ана шу олий бурчни шараф билан бажариш баробарида турли соҳаларда, хусусан, давлат ва жамиятни бошқариш ишларида ҳам муносиб иштирок этаётган хотин-қизларимиз меҳнати алоҳида эътирофга сазовор бўлмоқда.

Давлатимиз раҳбарининг Ўзбекистон хотин-қизларига йўллаган байрам табригида жондан азий фарзандларимизни дунёда ҳеч кимдан кам бўлмайдиган инсонлар қилиб камол топтириш, аввало, қиз боланинг тақдир ҳақида ғамхўрлик қилиш, уни бамисоли жамиятимизнинг гулидек тарбиялаб, вояга етказиш, бўлажак оиланинг бахтли бекаси сифатида қўриш вазифаси, яна ва яна бир бор айтман, барчамизнинг энг олий мақсадимиз бўлиши даркор, деган фикрлар аёллар, оналаримиз қалбига, юрагига етиб борди, уларни тўқилантириб юборди.

Бугунги кунда хотин-қизларимиз Сирдарё вилоятини ижтимоий-

иқтисодий ривожлантириш, таълим, соғлиқни сақлаш соҳаларини тараққий эттириш, шунингдек, партияимиз гоёларини кенг тарғиб қилиш, электоратимиз манфаатларини ҳимоялашда фаол иштирок этмоқда.

Табрикда юртимизда ҳукм сураётган ўзаро ҳурмат, меҳр-оқибат ва аҳилликни янада мустаҳкамлаш, ёшларимизнинг онги ва қалбини бизга ёт бўлган зарарли оқим ва таъсирлардан, «оммавий маданият» хуружларидан сақлаш, оилаларда, маҳалаларда олиб бораётган тарбиявий ишларимизни янги босқичга кўтаришни бугун тобора кескинлашиб, мураккаблашиб бораётган ҳаётнинг ўзи барчамиздан талаб этаётгани таъкидланди. Бундан қўриниб турибдики, партияимизнинг «Фаол аёллар» қаноти зиммасида ҳам катта вазифалар турибди. Айниқса, аёлнинг ижтимоий-сиёсий фаоллигини ошириш, хотин-қизлар учун янги иш ўринлари ташкил этиш, уларнинг манзилли ижтимоий ҳимоясини кучайтириш, сиёсатчи аёллар сафини кенгайтириш масалалари янада масъулият билан қарашимиз лозим.

— Президентимиз табригида оналар, қизларимиз саломатлигини мустаҳкамлаш борасида олиб борилаётган ишларга алоҳида эътибор қаратилди. Хусусан, «Соғлом она ва бола йили» Давлат дастури доирасида қилинаётган ишларнинг аҳамияти ва қўламага тўхталиб ўтилди. Таъкидланганидек, кундалик ҳаётимизда энг муҳим эътибор қаратиш зарур бўлган йўналишлар ҳақида гапирганда, биринчи навбатда, тиббиёт масканлари, оилавий поликлиникалар, қишлоқ врачлик пунктларининг моддий-техник базасини мустаҳкамлаш, акушер-гинекологлар, болалар шифокорларининг малакасини ошириш, она ва боланинг соғлигидан мунтазам ҳабар олиб, уларга тегишли ёрдам кўрсатадиган патронаж ҳамширалар сонини кўпайтириш каби ўта долзарб масалалар бундан буён ҳам диққатимиз марказида бўлади.

Демак, бу вазифаларни адо этишда мен ҳам бир шифокор сифатида фаол иштирок этишим зарур. Шу билан бирга, Давлат дастурида партияимизнинг «Фаол аёллар» қаноти фаолиятига бевосита дахлдор вазифалар ҳам оз эмас. Жойларда партияимиз фаол аёлларининг ўрни ва ролини янада ошириш муҳим аҳамиятга эга, албатта. Чунки партияимизга аёзо хотин-қизлар орасида тиббиёт ходимлари кўпчилигини ташкил этади. Оилаларда соғлом турмуш тарзини тарғиб этиш, аёлларимизнинг тиббий маданиятини оширишда уларнинг имкониятларидан самарали фойдаланишимиз зарур.

Табрикда билдирилган юксак эътиром ва ишончга янада ғайрат билан меҳнат қилиб, ҳозиргидан ҳам катта ютуқларга эришиб жамият қайтаришга маданийтимиз аёлларининг кучи, салоҳияти етади, деб ўйлайман.

«Ўзбекистон овози» муҳбири
Нурали ОРИПОВ эътибор олди.

«ЎзХДПнинг ЭНГ ФАОЛ АЁЛИ»

Билимдон, зукко, ташаббускор

хотин-қизларимиз демократик ислохотларнинг фаол иштирокчисига айланмоқда

Гулшан АСАТОВА,
ЎзХДП Марказий Кенгаши
Хотин-қизларнинг ижтимоий-сиёсий фаоллигини ошириш секторининг мудири:

— Бугун жамиятнинг ҳар бир соҳасида хотин-қизлар етакчи куч сифатида меҳнат қилишяпти. Буларнинг барчаси юртимизда аёл зотини эъзозлаш, қадр-қимматини жойига қўйиш, уларга ҳурмат ва эътиром кўрсатишнинг ёрқин намунаси, десак, асло муболаға бўлмайди.

Ўзбекистон Халқ демократик партияси Сайловолди дастурида ҳам хотин-қизларни иш билан таъминлашнинг қонуний асосларини янада ривожлантириш, уларнинг сиёсий-ҳуқуқий онги ва маданиятини юксалтириш, саломатлигини муҳофаза қилиш, давлат ва жамият бошқарувини янада демократлаштиришда фаол иштирокини таъминлаш масалаларида қатор вазифалар белгиланган.

Партияимиз тизимида биринчи марта ўтказилган «ЎзХДПнинг энг фаол аёли» кўрик-танлови ана шу вазифалар ижросига хизмат қилади.

Уч босқичда ўтказилган мазкур танлов давомида сиёсий билими юқори ва ташкилотчилик қobiliятига эга хотин-қизлар аниқланди, улар партияимиз сафига кенг жалб этилди. Энди партия дастурий мақсадларини аҳоли орасида тарғиб қилиш, Сайловолди дастурида белгиланган вазифаларни амалиётта татбиқ этишда уларнинг куч ва салоҳиятидан самарали фойдаланамиз.

◀ Давоми. Бошланғич 1-бетда.



Рашида СУЛТОНОВА,
Ҳоразм вилояти, Ҳазорасп педагогика ва хизмат кўрсатиш касб-хунар коллежи ўқитувчиси,
«ЎзХДПнинг энг фаол аёли» кўрик-танловини гўлиби:

— Аввало, партияимиз тизимида ўтказилган бундай нуфузли танловда иштирок этганим ва биринчи ўринни эгаллаганимдан жуда хурсанд эканлигим айтишим керак. Кўрик-танловда иштирок этиш орқали мамлакатимизда амалга оширилаётган ислохотларга дахлдорлигим, жамиятнинг фаол аъзоси эканлигим яна бир бор ҳис қилдим.

Биз партия фаоли сифатида электорат манфаатларига оид долзарб масалаларни илгари қўришимиз, бу борада ҳаётий лойиҳаларни амалга оширишимиз керак бўлади. Мен танловда тақдим этган лойиҳ

ШАНХАЙ ҲАМКОРЛИК
ТАШКИЛОТИ

Кўмир брикети ишлаб чиқарувчиларга қўлай шарт-шароит яратиш, аҳолини ҳамда ижтимоий йўналишдаги муассаса ва ташкилотларни арзон нархдаги кўмир маҳсулоти билан таъминлаш мақсадида, 2015 йил 2 июлда Вазирлар Маъжмасынинг қарори қабул қилиниб, кўмир брикетини ишлаб чиқариш, уни сотиш ҳамда етказиб бериш тартиби белгилаб берилган.

Кўмир
брикетлари
ишлаб
чиқариш
кўпаймоқда

Бугунги кунга келиб, кўмир брикети ишлаб чиқарувчилар сони 90 дан ошди. Бу эса истеъмолчиларни сифатли кўмир брикети билан тўлиқ таъминланиш имконини бермоқда.

Электр
қувватига
эҳтиёж тўлиқ
қондирилади

Иқтисодиёт тармоқлари ва аҳолининг электр энергиясига бўлган талаби ҳамда экспорт режа-кўрсаткичларида мувофиқ, 2015 йилда республикада 57,5 млрд. кВт.с.дан ортиқ (2014 йилга нисбатан 2,3 фоизга кўп) электр энергияси ишлаб чиқарилди ва истеъмолчиларга етказиб берилди.

Бир қатор инвестиция лойиҳаларининг якунланиши, жумладан, Тошкент ИЭСда буғ-газ қурилмасининг ишга туширилиши ҳисобидан 370 МВт ва Чорвоқ ГЭСи модернизация қилиниши ҳисобидан 15 МВт қўшимча қувватлар ишга туширилди.

Таъкидлаш жоизки, республикадаги электр станцияларини модернизация қилиш, энергосамардор бўлган янги электр станцияларини қуриш, паст ва юқори қучланишли электр тармоқларини янгиллаш, шунингдек, уларнинг ўтказувчанлик қобилиятини оширишга йўналтирилган қатор инвестиция лойиҳалари амалга оширилмоқда.

Бу эса юртимизда фаолият юрттаётган катта-кичик sanoat корхоналарининг электр энергиясига бўлган эҳтиёжини талаб даражасида қондириш имконини беради.

■ Ўзбекистон Шанхай ҳамкорлик ташкилотига учинчи
маротаба раислик қилмоқда.ШХТ эзгу мақсадлар рўёбига
хизмат қилмоқда

Ўзбекистон Шанхай ҳамкорлик ташкилотига учинчи маротаба раислик қилмоқда. Мамлакатимиз ушбу ташкилотга илк бор 2003-2004 йилларда раислик қилган. 2004 йил 17 июнда Тошкентда бўлиб ўтган Шанхай ҳамкорлик ташкилотига аъзо давлатлар раҳбарлари кенгашининг саммитида ШХТ фаолиятининг икки асосий йўналиши — хавфсизлик ва савдо-иқтисодий ҳамкорлик масалалари муҳокама қилинган.

Президентимиз Ислам Каримов ушбу саммитда Шанхай ҳамкорлик ташкилоти фаолиятини янада такомиллаштириш, халқаро терроризм ва диний экстремизмга қарши курашиш, минтақадаги иқтисодий ҳамкорликни янада мустахкамлаш бўйича юксак самарали гоя ва тақлифларни илгари сурди.

Давлатимиз раҳбари Марказий Осиёдаги вазиятга баҳо бераётган бир шароитда бу минтақа ўзининг геосийосий ва геостратегик аҳамияти ҳамда бой табиий-иқтисодий, минерал-ҳомашё ва биринчи навбда углеводород захиралари туфайли халқаро ҳамжамиятнинг диққат марказида бўлиб келаётганини таъкидлади. Афғонистондаги тикланиш жараёни билан боғлиқ масалаларга алоҳида эътибор қаратди.

ШХТнинг Тошкентда ўтган саммитида Афғонистондаги вазият муҳокама этилган долзарб масалалардан бири бўлди. Таъкидлаш жоизки, Ўзбекистон Президенти Ислам Каримов ташаббуси билан мазкур анжуманга Афғонистоннинг

Давлатимиз раҳбари Марказий Осиёдаги вазиятга баҳо бераётган бир шароитда бу минтақа ўзининг геосийосий ва геостратегик аҳамияти ҳамда бой табиий-иқтисодий, минерал-ҳомашё ва биринчи навбда углеводород захиралари туфайли халқаро ҳамжамиятнинг диққат марказида бўлиб келаётганини таъкидлади.

ўша пайтдаги муваққат маъмурияти раҳбари Ҳамид Карзай меҳмон сифатида илк бор тақлиф қилиниб ва бу ташаббус кейинчалик аъзо давлатлар раҳбарининг бевоқифа муҳокама жараёнида иштирок этиши вазиятни тўғри баҳолаш ва ҳар томонлама мақбул қарорлар қабул қилишда муҳим аҳамият касб этди.

Шанхай ҳамкорлик ташкилотига аъзо давлатлар раҳбарлари кенгашининг 2004 йилги саммити доирасида пойтахтимизда ташкилотнинг доимий фаолият курашувчи органи — Минтақавий ақсилтеррор тузилмаси ижроия қўмитасининг очилгани ШХТ фаолиятидаги муҳим тарихий воқеа бўлди. Унинг зиммасига ахборот алмашиш, махсус хизматларнинг ҳамкорлигини мувофиқлаштириш, шу орқали террорчиликнинг олдини олиш, терроризм, экстремизм ва айирмачиликка, гиёҳванд моддалар ва қурол-яроғ контрабандасига, оммавий қирғин қуроллари тарқалишига қарши биргаликда курашишни кучайтиришга доир чора-тадбирлар ишлаб чиқиш, халқаро ва минтақавий хавфсизлик таҳдидларининг олдини олиш каби вазифалар юкланди.

Давлатимиз раҳбари мазкур тузилманинг муваффақиятли фаолият олиб боришининг энг муҳим шarti — бизнинг Марказий Осиё минтақаси ва бутун дунёдаги хавфсизлик ва барқарорликка қарши қаратилган хавф-хатар ва таҳдидларга умумий ва ягона ёндашув ва қарашимиз, деб таъкидлади. Унинг муваффақиятли ишлаши учун зарур шарт-шароитлар яратиш бўйича Ўзбекистон бундан кейин ҳам бор куч ва имкониятларини ишга солишни қайд этди.

Президентимиз таъкидлаганидек, терроризмга қарши курашда кўпуровчиларни, уларнинг базаларини йўқотиш билан чекланиб, янги таҳдидларга фақат куч билан жавоб бериш билан қийоғланиб бўлмайди. Одамларнинг онгани захарлайдиган, терроризмни молиялаштирадиган марказларга қарши кескин курашиш керак. Бу кураш сиёсий, ижтимоий-иқтисодий мезонларни ҳам қамраши даркор. Саммитда давлатимиз раҳбари ана шу заруратни таъкидлар экан, террор ва нарқобизмнинг «транзит давлат» тушунчасининг ўзи йўқлигини қайд этди.

ШХТ доирасида аъзо мамлакатларнинг ташки сийёсат маҳкамалари, иқтисодий ва савдо вазирликлари, хавфсизлик кенгашлари ўртасида муназам мулоқотлар ўтказилмоқда. 2004 йилги Тошкент саммити арасида ҳам бу идоралар раҳбарларининг учрашувлари ташкил этилди. Бу ташкилотни ривожлантиришга, унинг доирасидаги ҳамкорликни янада қўллаштирашга хизмат қилди.

Ҳар бир мамлакатнинг ва бутун минтақанинг манфаатларини инобатга олган ҳолда, коммуникация ва транспорт соҳаси, сув-энергетика ва ҳомашё захираларидан, инсоний

салоҳиятдан оқилона фойдаланишга доир лойиҳаларни амалга ошириш бўйича ҳаракаتلари ўзаро келишиш ва мувофиқлаштириш масалалари тобора долзарб аҳамият касб этаётди. Ислам Каримов тақлифига биноан ШХТ доирасида минтақада хорижий капитал ва инвестицияларни жалб этиш, шу мақсадда бу ҳудуддаги барча мамлакатлар учун умумий бўлган шарт ва қоидаларни шакллантиришга катта эътибор қаратилди. Бугунги кунга келиб ШХТ саммитлари доирасида илгари сурилаётган барча тақлиф ва ёндашувлар турли соҳаларда давлатлараро ҳамкорликни янада мустахкамлашга, халқларимизнинг турмуш фаровонлигини оширишга хизмат қилмоқда.

Саммитда ҳамкорликда транспорт инфратузилмасини ривожлантириш, табиий, минерал ҳомашё захираларини ўзлаштириш, сув-энергетика захираларидан унумли фойдаланиш, экология, хусусан, ичимлик суви муаммоларини ҳал қилиш каби долзарб масалалар ҳам муҳокама этилди.

Мазкур омилларга катта эътибор қаратган Ўзбекистон Марказий Осиё ҳудуди орқали ўтадиган йirik транспорт-коммуникация лойиҳалари, транспорт йўлакларини ва йўналишлари борасида илгари сурилган гоя ва тақлифларни қўллаб-қувватлаб келмоқда. Бу гоя ва тақлифлар ШХТга аъзо давлатлар билан Европа Иттифоқи, Жанубий ва Жануби-Шарқий Осиё мамлакатлари ўртасидаги савдо-иқтисодий алоқаларни ривожлантиришга хизмат қилмоқда. Ҳамкорликда иқтисодий дастур ва лойиҳалар фаол амалга оширилмоқда. Ҳарор мулоқот ва учрашувларда эришилган келишувларнинг барчаси бугун

амалда ўзининг юксак натижаларини бераётгани аҳамиятлидир.

Саммитда минтақамиз иқтисодиётига доир муҳим ҳужжатлар қабул қилинганини алоҳида таъкидлаш жоиз. ШХТнинг ваколатлари ва иммунитетлари тўғрисидаги конвенция, Наркотик воситалар ва психотроп моддаларнинг ноқонуний айланишига қарши курашда ҳамкорлик тўғрисидаги битим, ШХТ ҳузуридаги кузатувчи мақоми тўғрисидаги низом ҳамда ташкилот ва унинг органлари фаолиятига доир қатор бошқа ҳужжатлар имзоланди. Эътиборлиси шундаки, ушбу анжуманда илк маротаба Мўғлистонда иқтисодий ҳамкорликни мустахкамлаш борасидаги аниқ амалий натижаларга бой бўлган ва ишчанлик руҳида ўтгани билан ШХТ саҳифасидан алоҳида ўрин олди.

НАВРЎЗ НАФАСИ

■ Боғларда сайраётган қушлар хонишида ҳам, тоғларда қийғос очилган гулларнинг майин тебранишида ҳам аллақандай сеҳр ва жозиба мужассам.

Сеҳр ва жозиба айёми

РАНГ-БАРАНГ ЯНГИЛИКЛАР

Самарқанд шаҳрида Маданият ва спорт ишлари вазирлиги ташаббуси билан «Ўзбекистон — бағрикенг диёр» номи кўчма фотокурсазма иш бошлади. Кўргазмада 120 дан ортиқ фотоасарлар намоиш этилмоқда.

«Ўзбекистон — бағрикенг диёр»

Биринчи бўлимда истиқлол йилларида юртимизда эришилган ютуқлар, ислохотлар самаралари, иккинчи бўлимда Ватанимиз спортчиларининг халқаро мусобақалар ҳамда Олимпия ўйинларидаги галабалари ва тақдирланиш маросимлар акс этган. Бу фотосуратлар томошабинларда катта қизиқиш уйғотмоқда.

Диний бағрикенглик мавзусига бағишланган учинчи бўлимдан эса, Тошкент, Самарқанд, Бухоро, Термиз, Хива, Андижон, Фарғона шаҳарларидаги қайтадан тикланган тарихий ёдгорликларнинг бугунги қиёфаси тасвирланган суратлар жой олган.

Абдурашул САТТОРОВ,
«Ўзбекистон овози»
мухбири.

Кичик миқёсли ижтимоий лойиҳалар

Япония ҳукумати 1995 йилдан бошлаб, тиббиёт, таълим, қишлоқ хўжалиги тизимини ривожлантириш, аёлларни ижтимоий қўллаб-қувватлашга йўналтирилган кичик миқёсли ижтимоий лойиҳаларга бегараз ёрдам дастурини амалга ошириб келмоқда. Ўтган давр мобайнида 352 лойиҳа амалга оширилди.

Шу йил 1 март кuni Япониянинг юртимиздаги Фавкуллода ва Мухтор элчиси Фумиха Като ҳамда республика Соғлиқни сақлаш ва Халқ таълими вазирликлари вакиллари томонидан тиббиёт, таълим соҳалари ва имконияти чекланган кишиларга ёрдам кўрсатишга йўналтирилган 11 лойиҳанинг грант шартномалари имзоланди. Ушбу лойиҳалар асосида Сурхондарё ва Тошкент вилоятларидаги соғлиқни сақлаш, Тошкент, Андижон, Бухоро, Самарқанд, Сурхондарё, Қашқадарё вилоятлари ва Қорақалпоғистон Республикасида 8 таълим ва мактабгача таълим муассасаларининг ҳамда Меҳрибонлик уйининг моддий-техника базаси янгиланиб, замонавий асбоб-ускуналар билан таъминланади.

Ўз мухбиримиз.

Ҳар бир байрамнинг ўз гашти, ўз шукуҳи бор. Лекин айёмлар гултожи бўлган Наврўзнинг таровати ўзгача. Уни ҳар гал таърифга сифмас туйғулар билан қарши оламиз. Боғларда сайраётган қушлар хонишида ҳам, тоғларда қийғос очилган гулларнинг майин тебранишида ҳам аллақандай сеҳр ва жозиба мужассам.

Қадимда ажодларимиз Наврўзни қуёш ва ерга бўлган этиқод рамзи сифатида нишонлашган. Бу байрамда турли маросимлар, расм-русумлар бажарилган, миллий таомлар тайёрланган.

Тарихий манбаларда айтилишича, байрамнинг биринчи кuni саҳарда сумалак тановул қилган киши, келаси Наврўзгача дардга чалинмас экан.

Ҳозирги кунда халқимиз Наврўзни қўчат экиш, дон-дун сочиш, чигит қадаш билан бошлайди. Шу кuni муҳтожларга ёрдам кўрсатилиб, беморлар ҳолидан хабар олинади. Байрам арафасида умумхалқ ҳашари ўтказилиб, хайрли ишлар қилиш анъанаси айланган.

Эсимда, 1985 йили Наврўз байрами қатъий тақиқланиб, унинг ўрнига биринчи апрель — Навбаҳор байрами деб белгиланди. Ушанда узоқни кўра билмайдиган айрим шошқалоқ раҳбарлар ҳонадонларда тайёрланаётган



Ушбу сурат.

сумалакларни, овқат тўла қозонларни ағдариб ташлаб, халқимиз дилига қаттиқ озор етказганди.

Гарчи, биринчи апрель кuni сохта, зўрма-зўраки сайллар ўтказилган бўлса-да, халқимиз барибир пинҳона равишда ҳонадонларда сумалак тайёрлаб, анъанавий маросимларни ўтказишарди.

Очиги, қатағон қилинган Наврўз байрамини қайта тикланишига ишонич қийин эди. Давлатимиз раҳбарининг жасорати эвазига халқимизнинг қадимий ва тарихий байрами яна ўзига қайтарилди. Ҳали мустақиллик қўлга киритилмасдан туриб, юртимизда Наврўз умумхалқ байрами, 21 март дам олиш кuni, деб эълон қилинди. Мана 26 йилдирки, халқимиз Наврўзни шоду-хуррамлик билан қарши олмақда.

Бу байрам Сурхондарё вилоятини ҳам ўзига хос бир руҳда нишонланади. Наврўз кuni маҳалла ва гузарларда сумалак сайли ўтказилиб,

**Ҳозирги
кунда
халқимиз
Наврўзни
қўчат экиш,
дон-дун
сочиш, чигит
қадаш билан
бошлайди.**

баҳор таомлари бўлмиш ўмоч, гўжа оши, қўқ сомса каби турли таомлар тайёрланади.

Айниқса, сумалак пишириш катта шодиёнага айланади. Одатда, сумалакка тайёргарлик буюдойни кўкартириб олишдан бошлаб, Майса игна бўйида ошгач, туйилиб, унинг шарбати олинади. Аёллар энг яхши тилакларини билдириб, шарбат ичига тош ва узук, сирга каби турли тақинчоқларни ташлашади. Шундан

сўнг қизлар түп-түп бўлиб, сумалак тайёрланаётган қозон атрофида айланиб чилдирма чалишади, лапарлар айтиб, тонг-сахаргача қўшиқ куйлашади:

*Сумалагим-сумалак,
Қозон тўла тилагим,
Болдан ширин сумалак,
Кўнглимдаги тилагим,
Қозонга отдим тошим,
Сумалак, ҳалол ошим,
Ковлаб-ковлаб пиширдим,
Сумалак ширин ошим.*

Сумалак маросимига узоқ-яқин, қариндош-уруғлар таклиф қилинади. Йигитлар қўлларидagi доира билан сумалак ёнига яқинлашаркан, қизлар билан жўр овозда қўшиқ ижро этиб, рақсга тушишади:

*Турналар учиб келди, кел
хо, кел,
Баҳорни кучиб келди, кел
хо, кел,
Сабзаларни ундириб, кел
хо, кел,
Наврўз ҳам кириб келди,
кел хо, кел.*

*Тоғ бошида оппоқ қор, кел
хо, кел,
Саман отни миниб кел,
кел хо, кел,
Йилбошида орзу мўла, кел
хо, кел,
Ниятингни айтиб кел,
кел хо, кел.*

Сумалак маросими айна қизиб, қўшиқ ва лапарлар авжига чиққан пайтда, дарага деҳқонбобо бошчилигидаги ҳашарчилар кириб келади. Деҳқонбобонинг чап қўлида қўш ҳайдаш дастгоҳи, ўнг қўлида эса қамчин. У ана шу қамчинни гоҳ елкасига ташлаб, гоҳ қўлида уйнатиб, гўёки ер ҳайдашга киришади. Сўнг ёш-ялангни чорлаб, уруғ қадаш қўшиғини бошлайди.

*Дон сепдим-о, дон сепдим,
Бошоқ бўлсин, дон сепдим,
Ҳар бир сепган донимга,
Тандир тўла нон сепдим.*

Ҳашарчилар учун егулик солинган саватда ширмой нон кўтариб келаётган деҳқончомо кўрингач, йигитлар унга пешвоз чиқишади.

— Моможон, моможон. Қаранг, қўлда турналар учмоқда!

— Ҳа, ҳа. Мен ҳам кўрдим...

— Моможон, бу турналарда не хислат бор?

— Турналар баланд учса, йил қуруқ келади!.. Агар пастлаб учса, ризқ-рўзимиз мўл бўлади!.. Ана турналар пастлаб учмоқда. Демак, янги йилнимиз янада тўқин-сочин бўлади. Илоҳим, иқболи баланд юртимизга кўз тегмасин...

Айни шу кунларда Сурхон воҳасининг ҳар бир гўшасида Наврўз айёмига қизгин тайёргарлик кўрилоқда.

Абди ҚОДИРОВ,
«Ўзбекистон овози» мухбири.

РЕКЛАМА



ЗАВОД «KRANTAS»

Производит и реализует
под заказ:

- Бензовозы — 4, 8, 10, 12, 16 м³.
- Водовозы — 4, 8, 12 м³.
- Вахтовые автобусы 4х4 — 22 мест, 6х6 — 26 мест.
- Комбинированные поливомоечные машины — 4, 8 м³.
- Кислотовозы — 6, 8, 10 м³.
- Автогудронаторы — 6, 8 м³.
- Полуприцепы: бензовоз, самосвальный, бортовой, контейнеровоз.

ГАРАНТИЯ 1 ГОД

Адрес: Республика Узбекистан, г. Таш